

錢

唐孫

聽

雨

屢

雲

鶴

蘭

及

女

史

詞



Small square seal impression on the left side of the page.

聽雨樓詞

桐花閣藏板

此詞上卷半屬兒時所為藏之篋中十餘稔矣次卷  
庚申後作多傷離憶遠撫今追昔之言錄為自遣之  
計去歲吳石華先生著女文選一書于鐵峯武妹處  
索去既附名卷中復鈔是編將并付棗且徵鶴自序  
昔先嚴有言閨中兒女子之言不足為外人道然  
而結習未忘人情不免多年心血若聽其散失無存  
亦可惜合自錄而藏之今之此舉固非所望然不  
敢固辭者蓋因先嚴平日溺愛之心且重違先生  
一時表彰之意是以畧加刪校

數言至於詞之

聽雨樓詞

自序

工拙則非鶴之所得而知也嘉慶十九年甲戌歲七月錢塘女史孫雲鶴自序于廣州邸舍

女文選小傳

嘉應吳蘭脩撰

孫雲鶴字仙品一字蘭友錢塘人孫令宜廉使次女縣丞金瑋室著有詩集三卷聽雨樓詞二卷蘭友少受庭訓與女兒碧梧並工詞翰隨宦嶺南十餘年箋墨自秘尋與武鐵峯女史爲文字友鸞和一時余始見其全集温和莊重洵有德之言詩餘清圓婉麗刊棄纖佻在國朝與湘蘋夫人可稱雙璧方之宋媛亦易安居士之亞也

聽雨樓詞卷一



積學齋徐乃昌藏書

錢塘孫雲鶴蘭友

賀新涼

答隨園先生除夕告存詩

一紙飛書至報隨園煙霞杖履依然人世梨棗思傳  
多少客挽住先生歸轡正好在紅塵遊戲混沌初分  
老蝙蝠問生時誰識何年始郭璞莫虛言耳 賀詩  
此日應千紙想開緘梅花風裏猿歡鶴喜詩世界寬  
無歷劫如此神仙有幾真別有人間天地明日歲華

新又是壺中甲子 復起松柏壽自難紀

菩薩蠻

疎簾燕去芳菲歇 梧桐門掩清秋月 羈客夢難成 暗  
蟲啼到明 薄靄消醉臉 燈澹銀屏掩 風露小闌干  
畫樓寒漏殘

又

新槐綠潤螢光小 銀屏寒淺爐烟裊 漏斷雨聲殘 燭  
花和淚彈 白雲何處定 目盡歸鴻影 今夜布帆風  
亂山知幾重

更漏子

綠陰濃 紅雨亂 無奈春歸人遠 梁燕去 塞鴻來 閒階  
生暗苔 長亭路 分襟處 惆悵畫屏烟樹 流水遠 夕  
陽沉 倚闌千里心

沁園春

口

薄染輕朱艷 傳樊素 一點紅凝 愛杏花樓畔 吹簫氣  
怯海棠風裏 摩笛音清 玉甲偎腮 金釵剔齒 界破盈  
半顆櫻嚴妝 羅吮毫端螺子 染上微青 鞦韆欲

上還停怕汗濕冰眉喘未勝憶午窗慵繡綵絨半唾  
春朝消渴花露偷噲斂黛將吁低鬟欲笑一度沉吟  
萬種情堪憐甚更戲調鸚鵡軟語輕輕

又

指甲

雲母裁成春冰碾就裹住葱尖憶綠窗人靜蘭湯悄  
試跟屏風細絳蠟輕彈愛染仙葩偶挑香粉點上些  
兒玳瑁斑支頤久有一痕鈎影斜印腮間 摘花清  
露微粘剖瀟線雙虹挂月邊把霓裳悄拍代地象板  
藕絲白雪搯箇連環未斷先愁將脩更惜女伴燈前  
比並看消魂處向紫荆花上故逞纖纖

少年遊

紅袖傳杯琵琶度曲常記共清遊杏子香中海棠花  
底低按小梁州 十年多少滄桑事水逝與雲流引  
鳳臺空弄簫人遠回首不勝愁

點絳脣

一幅輕帆白蘋香裏西風滿洞庭秋晚木落山容淺  
隔浦人家望處炊烟斷斜陽轉落霞孤雁歸夢瀟

湘遠

清平樂

小庭深處雙燕窺簾語柳到春闌無意緒禁不住東  
風絮 杏梢殘日啼鶯池塘草暖烟生却憶年時景  
况滿城疎雨清明

沁園春

題拈花微笑圖

幾頁華嚴五千道德今歸一家喜丹鑪燒罷長留詩  
卷蒲團坐破不著袈裟稱意如斯無憂果爾消受朝

嵐與夕霞披圖處羨人間清福幾箇如他 東風蘭  
又生芽正歡喜庭前繞膝諱寫心中靜境半橋流水  
眼前真趣萬樹梅花三昧同叅夙根頓悟却索蕪詞  
到絳紗拈枝笑把江毫剩彩分與些些

點絳脣

草

酥雨勻來萋萋先遍江南地杏花風細漠漠和烟翠  
燕子歸時休向高樓倚斜陽裏天涯無際離恨年  
年起

聽雨樓詞

卷一

四

又

楊花

啼老鶯聲亂飄晴雪無人逕小闌閒凭撲袖東風冷  
冉冉濛濛晝永垂簾靜慵難整雨餘烟暝一片春  
愁影

又

黃鶴樓頭塞鴻聲裏清秋暮水邊歸路人立斜陽渡  
十二屏山有箇人凝佇知何處暝烟殘霧幾點瀟  
湘樹

菩薩蠻

中秋

纖雲散盡蟬聲歇一杯自酌團圓月人在小層樓星  
河處處秋闌干清影滿光近嫦娥遠來歲復如何  
去年風雨多

又

迢迢不斷天涯路今宵又向蘆汀住夢斷酒初醒雁  
聲疑櫓聲滿篷霜似水渺渺情千里殘月在孤舟  
故人何處樓

聽雨樓詞

卷一

五



又

一番涼意梧桐雨流螢飛入簾深處燈背小屏風玉  
階啼暗蟲漏殘秋夢短那更聞新雁消盡水沉香  
客愁今夜長

昭君怨

風起滿庭飛絮花落一簾春雨芳草似離情逐時生  
昔日天涯舊路欹枕屏山無數故里又清明語流

鶯

齊天樂

題松枝引鶴圖

長天過雨塵氛少遙峯正啣西景寫倦黃庭翻餘秋  
水半榻茶煙人靜衫輕笠冷趁滿日烟霞怡神適興  
萬壑松濤翠陰吹下羽衣影 倏然倚風長唳亭亭  
塵外表吟韻相應珠樹秋寒瑤臺夜永清夢三更露  
警高懷誰領但自把松枝引來幽徑却過前溪爲人  
畱畫境

點絳脣

晚泛

聽雨樓詞

卷一

六

欵乃聲來一行驚起衝波鷺柳邊柔櫓落日人爭渡  
水色山光載得歸南浦天將暮殘鐘何處却指烟  
中樹

清平樂

澹煙濃霧一幅淒涼譜人在江南啼鳥處行盡綠蕪  
春雨杏花梢際簾鈎玉簫聲裏瓊甌離夢不知近  
遠月明夜夜層樓

點絳脣

杏子寒輕西樓人怯慵梳掠釵頭金雀鬪草還輸却

紅袖花前扶上秋千索聞清角燈殘月落驀地思  
量著

又

村柝聲寒鄉關夢斷三更過紙窗風破一點殘燈墮  
靜院無人獨自開簾坐重門鎖梅花和我對月成  
三箇

又

院宇深沉碧窗紗掛殘絨唾晝長門鎖風軟楊花墮  
燕子初來繡幙香泥涴些兒箇別添功課細數青

梅顥

謁金門

春欲盡疎雨薄寒幾陣待得暖晴寒食近落花風又  
緊階下露濃苔潤爐內香消灰燼半夜月高雲有  
暈踏青期未穩

齊天樂

題紫霞女史畫蘭卷子

繡床晝永楊花捲金鑪暗消香篆燕影低簾鶯聲繞  
樹睡起綠窗人懶沉沉深院乍困倚熏籠戲拈斑管

半晌凝思素綃閒向晚風展

梅寒竹瘦菊澹幽懷

無著處聊寄湘畹淺暈微烘纖毫側吮忘把口脂痕  
染風欹雨偃似空谷幽人這回重見瀟灑靈均楚江  
春正晚

一落索

遙峯過雨還凝碧一天秋色畫樓昨夜陡生寒應念  
我關山客衣上酒痕塵跡倦途難息白雲紅樹已  
消魂更何處斜陽笛

柳梢青

題淨香女史小照

紅藕池塘綠楊庭院晝永人間風露香清煙波夢遠  
脈脈憑闌望中無限雲山何處聽珊珊珮環渺渺  
予懷盈盈秋水凌亂高寒

卜算子

秋老旅情深潮落沙痕露一片疎篷荻岸風似昨夜  
蕉窗雨曉起莫憑闌觸目傷離緒樹裏人家霧裏  
山都不是來時路

點絳脣

露重秋初流螢無力光<sub>疑</sub>定暗苔幽徑別是清涼境  
何處簫聲夜半憑闌聽重門靜月明風冷一院梧

桐影

邁陂塘

題三娛翰墨

問閩江幾重雲水伊人知在何許小樓相伴惟形影  
冷落丸熊情緒清節苦想烟斷燈昏破壁吟風雨孤  
懷誰語有鄭母高標黃媛淑範結作歲寒侶謀生  
處分付殘煤斷楮愁心腕底如訴將軍雅抱琴書癖

搜索畫圖詩句染毫素把松竹梅花寫幅三清譜柏  
舟有賦看藝苑芳蹤戟門盛事不朽共千古

沁園春

題佩蘭女史拈花小照

乍捲珠簾初離明鏡雲垂翠鬢正碧窗香細晴添午  
倦綠陰晝永風減春寒靜聽流鶯輕拈香草小立空  
庭意自閒幽懷好正素心相契清極忘言 東風乍  
識朱顏念欲綴蕪詞下筆難况新詩風致吟時楚楚  
僊人環珮聽處珊珊韻寫烏絲神傳粉本人在盈盈

一水間披圖久喜芬芳氣味吹上毫端

柳梢青

聽蟲

井上螢飛樹頭雲靜何處秋聲床下聽來草根吟出  
一片離情 夢回月轉閒庭酒醒後淒淒四更蕉葉  
陰中梧桐影裏露冷風清

虞美人

綠楊三月成飛絮散入閒庭宇荼蘼猶未著東風生  
怕鶯催春去太匆匆 夜深不寐寒生壁香燼爐烟

息小窗人定一燈紅無限離情都在雨聲中

水龍吟

幾番微雨微寒禁煙節近新晴矣遊絲趁暖殘紅鋪  
徑樹頭青子鏡匣凝塵繡簾垂晝有人獨自更鶯慵  
燕懶春光幾許愁中過三之二錦字魚書難寄負  
西園東風桃李高臺芳榭清遊正暢忍搖征轡樓外  
斜陽隄邊芳草一江春水念天涯此際深情遠恨萬  
重千里

齊天樂

重門半掩清秋節孤帆角聲催去金鴨香微銀屏夢  
短一種傷離情緒蘆汀烟渚記衰柳殘陽長亭初暮  
漫倚高樓亂雲遮斷去時路依然秋色如許更歸  
鴉幾點飛遶疎樹千里關山舊時明月今夜照人何  
處凭闌無語怕雁逐書沉又更霜露立遍空階影寒  
銀漢渡

清平樂

蘭舟催泊風靜潮初落正是客懷無處著那更暝烟  
殘角紗窗閑鎖屏山羅衣莫凭闌干楊柳陰中暮

雨杜鵑聲裏春寒

齊天樂

立夏懷 家大人建陽道中

暮潮初退蘭橈發啼鵑正逢春晚盤薦櫻桃簾粘柳  
絮又把東風催換掠簷新燕記院宇年時薄雷輕電  
節物依然倚樓凝望白雲遠 行程迢遞未已梅熟  
天近也微冷還暖團扇臨風生衣對酒何處水村山  
館流光如箭想到日尊前荔支紅淺屈指歸來好開  
叢桂宴

又

午日懷 家大人遊閩

鄉園又是端陽宴琴尊正遊天際艾虎懸絲桃人對  
酒風味他鄉同否梅黃雨細任遍拂南薰未消寒意  
院宇陰陰紵衣葵扇尙慵試 芳辰今日共賞客中  
看競渡天氣晴未乳燕簾櫳新槐池館誰結蒲符爲  
佩闌干閒倚漫極目雲山午餘人醉晝永香微髻櫛  
紅欲墜

梅子黃時雨

聽雨樓詞

卷一

十二

立夏前一日

單衣趁暖春將去又滿目吹風絮漲綠池塘閒院宇  
潤侵屏幃雲生庭戶却似山深處碧蕪千里天涯  
路小立闌干漫凝竚佳節蓬窗尊酒度幾重烟水半  
川雲樹一霎黃梅雨

秦樓月

寒漏寂月明風滿梅花笛梅花笛江南春色曲中先  
得一襟離思誰能識故園應怨無消息無消息畫  
樓今夜黛眉凝碧

水調歌頭

題三朶花繡合卷

芍藥篠園盛占斷古揚州多少雙頭並蒂相對也應  
羞二十四番風信二十四橋月色都付與梢頭恰是  
三山客來作五雲遊聚三花園五萼起重樓知爲  
使君風雅芳譜教重修韻倩黃筌筆寫色借靈芸絲  
繡名仗探花畱低却瓊花品贏得牡丹籌

點絳脣

晝漏沉沉綠陰轉午人初醒小闌風定點點楊花影



一縷遊絲趁暖縈芳徑香消鼎畫堂巢冷燕去簾  
鈎靜

浣溪沙

一抹青山曉霧遮半塘春水畫橋斜垂鞭無語聽啼  
鴉玉笛聲中飛燕子秋千影裏出桃花綠楊門巷  
是誰家

菩薩蠻

繡簾風定鑪烟直碧紗窗外垂楊色微雨杏花殘小  
庭生薄寒天涯幽思遠雙燕歸來晚烟草滿平蕪

春山聞鷓鴣

又

秋夜同碧梧姊聯句

玉階人靜啼蟲寂銀屏夢斷砧聲急

碧梧

踈樹帶微

霜小樓秋思長

一窗燈欲燼葉葉西風緊

蘭友

深

夜莫憑闌月高清影寒

碧梧

真

真

律